

TOTIHITAWË THAMOTIMA THE Æ

PREÁMBULO

Enaha the puhi taao kuaai, wã rêamai the, peheti he usukuwë the, wã topiao the kãi, hei the pë nohi taemopou piyëkou, ïhï the pë nohi ïhïpimopouha totihitawë thamotima the hami he usukuwë the pë nohi taeyou totihitaopë,

Enaha the puhi taao kuaai, totihitawë thamotima theñi the taimi ha, the pë kãi shomiaprai ha, hei wãrïtiwë thamotima the kipi thaprarema. Komi pëmaki rê kui pëmaki kirihou mai, pëmaki kãi no preaa mai pëmaki përihou piyëkopë, pëmaki ã topiao, pëhetiapramotima the pë hami.

Enaha the puhi taao kuaai, totihitawë thamotima the rê wã nosie huamotima theñi the nohi thapopë, komi urihitheri the pë no yuayou maöpë,

Enaha the puhi taao kuaai, the pë përihiwë rê piyëkëi the pë puhi taamayöpë the pë rïmimayöpë,

Enaha the puhi taao kuaai, komi urihitheri ONU the ha the pëhetiapraihe, totihitawë thamotima the hami, suwë wãro pei pëmaki no rê kui the pë no ã hë usukuwë, kama pëni the ã wawemarëmahë the pë puhi rê taamaïwëï,

Enaha the puhi taao kuaai, komi urihitheri pë rê kui ONU the iha the pë ã wawëtokema totihitawë the ã nosi riã ha poheni,

Enaha the puhi taao kuaai, the pë ã rê wawëtokenowëï the pëni the ã hïrïapehe the ã nosi kãi popehe

ïhï the no ã ha TOTIHITAWË THAMOTIMA THE Æ wëyëi piyëkouhe.

Hetipëtëwë 1

Kömi the pë rê përiprawë rê piyëkëi, he usukuwë the pë keprou ai the ã rêamaihã no ã heparohowë, totihitawë the pë riã rê thaiwehei hami, the pë puhi tao kãi përihiwëha, the pë puhi kãi katehewëha hawë kama the pë mashi shïro përihimopë.

Hetipëtëwë 2

Kömi the pë ihami totihitawë thamotima the kuprawë , the ã rê maiha the pë përiprawë, wã katehano theñi the wãhã no wayoano, suwë, wãro, pei kahi, the pë rê reahumouwëï, napë the ã, no matohipi, no preaawë, the pë rê kepronowëï hami, ai the pë sho, shomi urihitheri himayöumahëï.

Kömi the pë ihami totihitawë thamotima the kuprawë , the ã rê maiha the pë përiprawë, ma kui ai the pëni the pë urihipi rëpoumakuhei the pë riã përio topiao he yatio.

Hetipëtëwë 3

Yãmi kömi the pë ihami totihitawë thamotima the kuprawë the pë rê përiaiwei the pë kuprawë, ai the ã rêamai, peheti the pë rê përiaiwei.

Hetipētēwē 4

Ai thē pē iha horemou wamaki no ohotamopi mai, horemou ohotamomamotima thē thamai puhioni he parohowē.

Hetipētēwē 5

Thē pē shēmou taomi, thē pē wāhā kāi wārīhīthomamou taomi, thē pē shēmou wārītiai taomi.

Hetipētēwē 6

Thē pē pēriprawē rē piyēkēi thē pē ihami totihitawē thamotima thē kuprawē, thē pē nohi riā hatukēmopou piyēkou.

Hetipētēwē 7

Wā nosie huamotima a hami, komi hititiwē thē pē he usukuwē, thē pē nohi kāi thapou piyēkou. Hei wā katehano thē rē kui thēni, hititiwē wā nosie huamatima ani wārīhītho thamotima thē hami, thē pē he komi rupou piyēkou; wārīhīto thamotima thē hami thē pē no yuo maōpē.

Hetipētēwē 8

Komi hititiwē thē pē rē kui, thē pē payeriopē nohi thaporewē pata pēni, pē nohi rē hatukēawei kama urihithēri thē pēni , totihitawē thamotima thē wārīhītho thai maōpehe.

Hetipētēwē 9

Enaha pētawē thē pē huēmou taomi, thē pē kāi ōkamopou taomi ai thē urihi hami thē pē shimamou ayao taomi.

Hetipētēwē 10

Komi hititiwē thē pē ihami, totihitawē thamotima thē kuprawē, thē pē he pruka usukuwē, nohi thaporewē pata pē mithari hami, thē a riā hai thē a riā ha hīrīāmoni thē rē thanowē thē hami thē wāhā no wēyēihe tēhē, thē no ā he riā ha ruoni.

Hetipētēwē 11

Hititiwē thē pē rē kui thē pēni ai thē ma thamonomai thē pē wāhāno wēyēihe tēhē thē pehetiapai haia maheīha thē shurukuamou haio taomi.

Nohi thaporewē pata pēni thē pehetiapai haia maheīha pē noa napēmou taomi.

Thē pē wāhāno wēyēyono ma mai, thē pē wāhāno wēyēyou, enaha thē thamou taomi. Hapa hote wārītīwē thē ani hei tēhē thē wārītīwē he parohowē thē thamou taomi.

Hetipētēwē 12

Ai thē puhi pētouha ayaroni , thē pē yahipi hami, thē he haprou ayau taomi, therihē pē ihami kāi, ōniōni a shimaihe tēhē thē kāi mii pario ayao taomihe, komi thē pē mithari ha wa thē wāhāno wēyēi ayao taomi. Īhī thē pē hami totihitawē thamotima thē rē kui wā nosie huamotima thēni

thē pē nohi thapou piyēkou.

Hetipētēwē 13

Hititiwē thē pē ihami totihitawē thamotima thē kuprawē, ai thē ā rēamaihā thē pē riā huu piyēkou, wa thē nohi rē pēripouwei thē urihi ha thē pē kâi riā shaponomou.

Hititiwē thē pē ihami totihitawē thamotima thē kuprawē ĩhĩ thē no āhā thē pē rē pērihiwē rē piyēkēi thē pē urihipi hami, thē pē kâi riā huu, thē pē urihipi nohi kâi rē pēiprai, thē pē urihipi nohi kâi riā kōō mi yapao.

Hetipētēwē 14

Ai thē yapēkamahe tēhē, kōmi hititiwē thē pē ihami totihitawē thamotima thē kuprawē thē pē rē hithēpraamaiwēĩ a urihi ha, ĩhĩ ā hā thē pē ā riā topiao, shomi thē pē urihipi hami kâi.

Hei a hami totihitawē thamotima thē rē kui thē wāhā pomou taomi thē kâi puhipramou taomi, wā nosie huamotima nohi thaporewē pēni thē pē huēmamaihē tēhē peheti kōmi yapēkamotima thē pē hami pei thē hapa rē hupētarenowēheĩ thē pēni kâi.

Hetipētēwē 15

Hititiwē thē pē ihami totihitawē thamotima thē kuprawē, kama urihi theri thē pē wāhā hirou katitou.

Thē puhi pētouha ayaroni kama urihitheri thē rē kui thē mapramai ayao taomi, totihitawē thamotima thēni hawē kama e thē wāhā riā hiroprou kuo.

Hetipētēwē 16

Wārō, suwē pē sho, kama huya thē pē riā rē toayouwei hami totihitawē thamotima thē kuprawē ai thē ā rēo taomi. Ai thē ā rēamaihā suwē , wārō pē sho thē pē riā toayou, kama theri thē pē wāhā hirou, reahumotima kama urihithēri, ĩhĩ thē pēni totihitawē thamotima thē hami thē pē ā rēo taomi, kama thē pē mashi riā kuprou. Shoati totihitawē thamotima thē ha thē pē ā riā topiao, thē pē toayou pario tēhē, thē pē ā topiao rē kuonowēĩ naha, thē ā riā topiao kuo shoao.

Kama kēkipi rē puhiyouwei, peheti kēkipi riā toayou.

Kama thē pē mashi shĩroni pē shapono praukamaihē ĩhĩ thē no āhā totihitawē thamotima thē rē kui, kama urihitheri thēni thē nohi thapouhe, kama thē pē shaponopi kâini.

Hetipētēwē 17

Hititiwē thē pē rē kui thē pē matohipi riā kuo, totihitawē thamotima thē ha, thē pē rē perihii hami kama thē pē urihipi riā rii kuomopotayou.

Pei thē puhi pētouha ayaroni thē pē matohipi riā rēmaimihe thē pē rē perihii hami urihi ā kâi rēmai taomihe.

Hetipētēwē 18

Hititiwē thē pē rē kui ai thē ā rēamaihā totihitawē thamotima thē ha thē pē puhi tao kāi riā pērio, reahumotima thē hami, thē pē puhi katehewēha; totihitawē thamotima thē ha thē ā kāi koyokoa reahumotima wa thē riā rē hemihipraiwei, ai thē ā rēamaihā thē riā owēmamou komi thē pē mithari ha thē kāi riā owēmaihe, thē pē hirayou tēhē, thē pē owēmayōŭ tēhē, peheti thē ā huamou sharirou ha.

Hetipētēwē 19

Ai thē ā rēamaihā hititiwē thē pē rē kui yāmi thē pē puhi riā piyēkou, thē wāhāno riā rē wayoiwehei; ĩhā thē ā kāi koyokoa thē ā hai tēhē thē ā nohi wārimopou taomi, ma kui yaniki thē riā wārimou kuaahērii, thē ā riā opisi tēamou kuaahērii, thē ā riā wēyēmou piyēkou wānoshimamotima thē pē hami.

Hetipētēwē 20

Hititiwē thē pē ihami totihitawē thamotima thē kuprawē ai thē ā rēamaihā thē pē ā riā wayou kāi yototai thē pē riā rē thaiwehei thē pē wāhāno wayoihe ha.

Ai thēni yototamotima thē hami thē shimai ayao taomi.

Hetipētēwē 21

Hititiwē thē pē ihami totihitawē thamotima thē kuprawē patamorēwē thē pē rē kui thē pē ā wayou kāi riā roaai narēō kama peni a pata rē thanowēhēi pē mithari ha kāi.

Hititiwē thē pē ihami totihitawē thamotima thē kuprawē kama thē pē rē pēriprai hami thē ohotepi rē shatiprai, thē pē riā ohotamou toaai.

Patamorēwē thē pē rē kui, thē pē shaponopi kāi rē pēriowei thē pē iha thē pē patamou. Ei thē rē kui thē pē shaponopi kāi rē pēriowei thē peni thē pē wāhāno ha wayoaheni thē yaiaprai shoahe yaiamotima thē kuo tēhē thē pē yaiamou hāthōō.

Hetipētēwē 22

Hititiwē thē pē ihami totihitawē thamotima thē kuprawē kama thē pē rē pēriprai hami pata thē pēni thē pē nohi kāi hatukepopehe, ai urihitheri thē pē patani thē pē nohi kāi hatukēpopehē, thē pē puhi topramapopehe, ĩhā thē nohi yaimopou thē pē puhi wetinahamou maōpē, peheti thē pē pērihopē.

Hetipētēwē 23

Hititiwē thē pē ihami totihitawē thamotima thē kuprawē, thē pē urihipi riā hupēo, ai thē ā rēamaihā thē ohotepi hurimopē, thē prewē thaporaheni, pata thēni ohotamorēwē thē pē rē kui thē pē nohi pēyēpou thē pē ohotepi kuo maō tēhē.

Hititiwē thē pē ihami totihitawē thamotima thē kuprawē, thē pē ohotamou he usukuwē rē kurenaha thē pē no kāi kōō he usukuopē.

Hititiwë thë pë ihami totihitawë thamotima thë kuprawë he husukuwë thë pë no kôô, thë pë puhi kâi owëhëo, kama pë shîro rë kui e pë puhi kâi përio mi hetuopë e thëki peheriproimiha pë kâi rë përioweini ai e thëki he riã tikëai e thëki he usukuopë.

Hititiwë thë pë ihami totihitawë thamotima thë kuprawë, sindicato thë pë riã thayou, thë pëhe rumopopë.

Hetipëtëwë 24

Hititiwë thë pë ihami totihitawë thamotima thë kuprawë, thë pë washimi horuu yânikio pariopë, thë pë riã huu toatarou, topiao thë pë kâi rë ohotamonowë thë no kâi riã kôãmamou thë ma yânikia parirani.

Hetipëtëwë 25

Hititiwë thë pë ihami totihitawë thamotima thë kuprawë, thë pë riã përio topiao kama theri thë pë shîro sho, nii pë hami, yahi pë sho, thë pë kâi temio topiao, thë pë kâi titihopë, thë pë nohi kâi rë yaimopouwei thë pë sho. Enaha hititiwë thë pë pehi totihitawë thamotima thë ha thë kua thë pë rë ohotamoumai, pë rë shawarapiwei, thë pë no rë huwëmai, thë pë he rë paharaprai, thë pë rë wârô rë patai, thë pë suwe kâi rë patai, ai thë pë wârîtiwe kâini thë pë pehetipopehe.

Suwë shipënapî thë pë rë kui, ihiru, marânapî, suwëhëri marânapî thë pë komi sho, totihitawë thamotima thëni, thë pë nohi thamopou topiao.

Hititiwë ihiru hîîpi kua pë rë keprouwei, pë hîîpi ma kua mai pë kâi rë keprouwei, totihitawë thamotima thë kuprawë peheti pë nohi kâi thaprawë.

Hetipëtëwë 26

Hititiwë thë pë ihami totihitawë thamotima thë kuprawë, thë pë kâi hirayopë. Hiramotima thë pë rë kui, nomraiha thë pë hiramou pariopë.

Hiramou pariotima thë hami thë pë ihirupi shimio he parohoopë. Hiramou pariotima thë nohâ hami îha hititiwë thë pë ônimou taai he parohoopë; ônimou pata thë rë kui hititiwë thë pë pehi ma kui thë pë puhi moyâwei rë thë pë pehi shîro kuopë.

Hiramotima pë hami, puhi tao thë pë kupropë îhî thë no âhâ totihitawë thamotima thë pë nohi asipopehe ai the â rêamai thë sho; thë pë rë përiprawë piyëkëi thë pëni, thë pë nohi kâi rë yaipouwehei thë pë hami, thë pë no îhîpipopehe, thë pë kâi puhipoyopë, O.N.U. thëni thë thamai rë puhiiwei thë â riã praukamai ha piyëkoni, thë pë â riã topramapou ha totihioni.

Pë nîî, pë hîî thë pëni e thë hiramai shi rë topiaowehei e thë hiramai puhipehe.

Hetipëtëwë 27

Komi hititiwë thë pë ihami totihitawë thamotima thë kuprawë, thë pë rë përihii thë pëni thë pë rë tai rë piyëkouwehei thë pë hami ai thë â rêamaihâ, thë pë no riã taayou, thë pë a kâi riã topiao, matohi pë rë thanowëhë thë pë hami, îhî thë pë matohi ha thë pë â riã toprarou.

Hititiwë thë pë ihami totihitawë thamotima thë kuprawë, thë pë nohi thaopë, kama thë pëni thë pë rë thaiwehei thë pë hami, thë kâi rë ônimaiwëhë thë pë hami, noshiharirawë thë pë kâi rë kopemaiwëhë hami kâi.

Hetipētēwē 28

Komi hititiwē thē pē ihami totihitawē thamotima thē kuprawē ai thē pēni thē ā rē thaiwehei, thē ā nosi popehe.

Hetipētēwē 29

Komi hititiwē thē pēni ohote thē huripehe kama thē pē shaponopi hami, ĭhĩ pē shapono hami toprao thē pē parahērii.

Totihitawē thamotima thē hami thē pē rē wapēoheriwei ai thē pē ihami totihitawē thamotima thē pē kãi kuprawē, ĭhĩ ei thēni thē nohi hatukēmapou totihitawē thamotima thē rē kui ai thē ā reamai thē sho. Mihi totihitawē thamotima thē hami peheti thē pē kuaahērii, yaiamotima thē hami thē pē rē patamou thē kuo tēhē.

Hei totihitawē thamotima thē rē kui ai thē ā kua mai thē pē sho O.N.U. thē rē kuuwei thē ā nohi wāĩpou taomi.

Hetipētēwē30

Thē pē rē pērihouwei thē pēni, yototarewē pēni , ai yāmi thēni wa katehano thēni totihitawē thamotima thē wāhā no wēyēi ha ai thēni thē wāhā nohi taesai taomi, thē wāhā kãi hemhiprai ayao taomi.